

RJEŠENJE
O IMENOVANJU VRŠIOCA DUŽNOSTI
PREDSJEDNIKA ŠKOLSKOG ODBORA JAVNE
USTANOVE OSNOVNA ŠKOLA "HILMI EF. ŠARIĆ"

I

Za vršioca dužnosti predsjednika Školskog odbora Javne ustanove Osnovna škola "Hilmi ef. Šarić" imenuje se:

1. Alija Kazić – predsjednik, predstavnik Ministarstva.

II

Mandat vršioca dužnosti predsjednika Školskog odbora iz tačke I ovog rješenja traje do konačnog imenovanja, a najviše tri (3) mjeseca od dana imenovanja.

III

Ovo rješenje stupa na snagu narednog dana od dana donošenja, a objavit će se u "Službenim novinama Kantona Sarajevo".

Broj 02-04-6054-24.2/23
09. marta 2023. godine
Sarajevo

Vršiteljica dužnosti premijera
Ministrica
Darja Softić Kadenić, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 43. stav (1) Poslovnika o radu Vlade Kantona Sarajevo ("Službene novine Kantona Sarajevo", broj 4/16, 36/16, 43/20, 10/21 i 33/22), Vlada Kantona Sarajevo, na 118. sjednici održanoj 09.03.2023. godine, donijela je

RJEŠENJE

O IZMJENI RJEŠENJA O IMENOVANJU PROJEKTOG
TIMA ZA IZRADU STRATEGIJE DEMOGRAFSKOG
RAZVOJA KANTONA SARAJEVO

I

U Rješenju o imenovanju Projektnog tima za izradu Strategije demografskog razvoja Kantona Sarajevo, broj 02-04-16944-32/22 od 21.04.2022. godine u tački III riječi: "ukupno 9 mjeseci od dana donošenja ovog rješenja." zamjenjuju se riječima: "do 31.07.2023. godine."

II

Ovo rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-04-6054-25/23
09. marta 2023. godine
Sarajevo

Vršiteljica dužnosti premijera
Ministrica
Darja Softić Kadenić, s. r.

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 118. sjednici održanoj 09.03.2023. godine, donijela je

ZAKLJUČAK

1. Utvrđuje se koeficijent jedan (1) za obračun i isplatu mjesečne novčane egzistencijalne naknade demobiliziranim braniocima za period januar - mart 2023. godine (I kvartal) u okviru pozicije "614200 Tekući transferi pojedincima DAM022 Novčana egzistencijalna naknada DB" planirane Budžetom Kantona Sarajevo za 2023. godinu.
2. Na osnovu koeficijenta iz tačke 1. ovog zaključka i utvrđenog iznosa u članu 59. stav (1) Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22), utvrdit će se visina mjesečne novčane egzistencijalne naknade demobiliziranim braniocima, za period januar - mart 2023. godine, u skladu

sa odredbama Zakona o dopunskim pravima boraca-branitelja Bosne i Hercegovine.

3. Koeficijent iz tačke 1. ovog zaključka primjenjivat će se za period januar-mart 2023. godine u skladu sa raspoloživim sredstvima shodno Odluci o privremenom finansiranju potreba Kantona Sarajevo za period 01.01. do 31.03.2023. godine ("Službene novine Kantona Sarajevo", broj 52/22).
4. Ovaj zaključak stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-6054-14/23
09. marta 2023. godine
Sarajevo

Vršiteljica dužnosti premijera
Ministrica
Darja Softić Kadenić, s. r.

Ministarstvo za boračka pitanja Kantona Sarajevo

Na osnovu člana 66. stav 2. i člana 68. stav 1. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 22. stav (2) Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 31/22), ministar za boračka pitanja Kantona Sarajevo donosi

PRAVILNIK

O NAČINU OSTVARIVANJA PRAVA PO OSNOVU
PREOSTALE RADNE SPOSOBNOSTI

DIO PRVI – OSNOVNE ODREDBE

Član 1.

(Osnovne odredbe)

Ovim pravilnikom uređuju se korisnici, uvjeti i način ostvarivanja prava po osnovu preostale radne sposobnosti u skladu sa odredbama Zakona o dopunskim pravima boraca - branitelja Bosne i Hercegovine ("Službene novine Kantona Sarajevo", broj 31/22) (u daljnjem tekstu: Zakon).

Član 2.

(Rodna neutralnost izraza)

Izrazi koji se koriste u ovom pravilniku, a imaju rodno značenje koriste se neutralno i odnose se jednako i na muški i na ženski rod.

Član 3.

(Pojam profesionalne rehabilitacije)

- (1) Pod pojmom profesionalne rehabilitacije podrazumijeva se osposobljavanje za vršenje ranijeg ili drugog odgovarajućeg zanimanja, stručno osposobljavanje za vršenje određenog zanimanja i stručno usavršavanje.
- (2) Profesionalnu rehabilitaciju čine mjere i aktivnosti koje se izvode kako bi se osoba sa invaliditetom osposobila za odgovarajući posao, uposlila, posao zadržala i u njemu napredovala ili promijenila zanimanje.
- (3) Profesionalna rehabilitacija u smislu ovog pravilnika obuhvata slijedeće mjere i aktivnosti:
 - a) utvrđivanje preostalih radnih i općih sposobnosti,
 - b) profesionalno informisanje, savjetovanje i procjena profesionalnih mogućnosti,
 - c) analiza tržišta rada, mogućnost upošljavanja i uključivanja u rad,
 - d) procjena mogućnosti izvođenja, razvoja i usavršavanja programa profesionalnog osposobljavanja,
 - e) radno osposobljavanje, dokvalifikacija, prekvalifikacija, održavanje i usavršavanje radnih sposobnosti do uposlenja,
 - f) informisanje i savjetovanje o pomoćnoj tehnologiji u učenju i radu,
 - g) pojedinačni i zajednički programi za uključivanje osoba sa invaliditetom,

- h) prijedlozi o primjeni različitih tehnologija i tehnika u učenju i radu.

DIO DRUGI – KORISNICI I UVJETI OSTVARIVANJA PRAVA

Član 4.

(Korisnici prava)

Nezaposleni ratni vojni invalidi, koji su zadobili ranu, povredu, ozljedu ili bolest po osnovu koje im je priznat status ratnog vojnog invalida, na osnovu preostale radne sposobnosti imaju pravo na profesionalnu rehabilitaciju, uključujući i školovanje za obavljanje poslova za koje se traži viša stručna sprema od one koju vojni invalid ima, ako prema općem obrazovanju, godinama života, zdravstvenom stanju i drugim okolnostima ima uvjete za uspješnu rehabilitaciju.

Član 5.

(Osposobljavanje za vršenje zanimanja i za sticanje stručne spreme)

- (1) Ratni vojni invalidi koji nemaju stručnu spremu, osposobljavaju se za vršenje zanimanja za koje je potrebna stručna sprema stečena priučavanjem.
- (2) Ratni vojni invalidi koji imaju nižu stručnu spremu od spreme kvalifikovanog radnika odnosno od srednje stručne spreme, osposobljavaju se za vršenje zanimanja za koje je potrebna stručna sprema kvalifikovanog radnika odnosno srednja stručna sprema.
- (3) Ratni vojni invalidi koji imaju stručnu spremu kvalifikovanog radnika, odnosno srednju stručnu spremu ili višu stručnu spremu od navedenih mogu se osposobljavati za sticanje stručne spreme jednake onoj koju imaju, ako iz opravdanih razloga ne mogu da vrše zanimanje za koje imaju stručnu spremu.

Član 6.

(Pravo na školovanje za obavljanje poslova)

Ratni vojni invalidi imaju pravo na školovanje za obavljanje poslova za koje se traži viša stručna sprema od one koju ratni vojni invalid ima, ako prema općem obrazovanju, godinama života, zdravstvenom stanju i drugim okolnostima ima uslove za školovanje.

Član 7.

(Stručno usavršavanje radi sticanja stručne spreme)

Općinski organ uprave nadležan za boračko invalidsku zaštitu može ratnog vojnog invalida koji ima stručnu spremu iz člana 5. stav (3) ovog pravilnika uputiti i na stručno usavršavanje radi sticanja više stručne spreme od one koju ima, ako se naročito istakao u ranijem radu ili stručnom osposobljavanju i ako se može opravdano očekivati da će u redovnom radu steći takvu spremu.

Član 8.

(Osposobljavanje putem nove profesionalne rehabilitacije)

Ratni vojni invalidi koji su već rehabilitovani nemaju pravo da se putem nove profesionalne rehabilitacije osposobljavaju za vršenje zanimanja za koje je potrebna stručna sprema istog stepena za koju su se osposobili prethodnom rehabilitacijom.

DIO TREĆI – NAČIN OSTVARIVANJA PRAVA

Član 9.

(Podnošenje zahtjeva)

Ratni vojni invalidi zahtjev za profesionalnu rehabilitaciju, školovanje i doškolovanje podnose nadležnoj općinskoj službi za boračko-invalidsku zaštitu gdje je ratni vojni invalid ostvario pravo na ličnu invalidninu.

Član 10.

(Pravo na profesionalnu rehabilitaciju i ocjena radne sposobnosti)

- (1) Pravo na profesionalnu rehabilitaciju, po zahtjevu ratnog vojnog invalida, utvrđuje se na osnovu nalaza, ocjene i mišljenja komisije stručne ustanove za ocjenjivanje radne

sposobnosti, u skladu sa propisima iz oblasti penzijsko-invalidskog osiguranja.

- (2) Po prijemu zahtjeva iz člana 9. ovog pravilnika općinska služba za boračko-invalidsku zaštitu je dužna odmah uputiti zahtjev komisiji za ocjenjivanje radne sposobnosti iz stava (1) ovog člana da izvrši ocjenu radne sposobnosti podnosioca zahtjeva.
- (3) Ocjenu radne sposobnosti komisija iz stava (1) ovog člana je dužna izvršiti u roku od 30 dana od dana prijema zahtjeva i o tome u daljem roku od osam dana pismeno izvijestiti ratnog vojnog invalida i općinsku službu za boračko-invalidsku zaštitu od koje je upućen ratni vojni invalid.

Član 11.

(Upućivanje prijedloga ratnih vojnih invalida)

Općinska služba za boračko-invalidsku zaštitu dužna je uputiti prijedlog ratnih vojnih invalida koji ispunjavaju uvjete iz ovog pravilnika za profesionalnu rehabilitaciju Ministarstvu za boračka pitanja Kantona Sarajevo (u daljnjem tekstu: Ministarstvo).

Član 12.

(Rok za upućivanje na profesionalnu rehabilitaciju)

Općinska služba je dužna uputiti ratnog vojnog invalida na profesionalnu rehabilitaciju najkasnije u roku od 30 dana od dana sticanja prava na profesionalnu rehabilitaciju.

Član 13.

(Način provođenja i subjekti realizacije profesionalne rehabilitacije)

- (1) Profesionalna rehabilitacija provodi se na način i pod uvjetima koji su predviđeni za rehabilitaciju po propisima o penzijskom i invalidskom osiguranju ako ovim pravilnikom nije drugačije propisano, s tim što se rehabilitacija može vršiti i redovnim školovanjem u školama srednjeg obrazovanja, višim školama i fakultetima, ali najdalje do sticanja više, odnosno visoke stručne spreme.
- (2) Na zahtjev Ministarstva, kantonalni organi uprave i kantonalne upravne organizacije, Grad Sarajevo, općine sa područja Kantona Sarajevo, kao i sva pravna lica čiji je osnivač Kanton Sarajevo, Grad Sarajevo ili općina, odnosno koja se finansiraju iz budžeta sa učešćem od najmanje 25%, dužni su primiti na profesionalnu rehabilitaciju ratnog vojnog invalida kojeg uputi Ministarstvo.

Član 14.

(Nastavljanje započete profesionalne rehabilitacije)

- (1) Ratni vojni invalid ima pravo da nastavi započetu profesionalnu rehabilitaciju, ako je do spriječenosti došlo usljed bolesti ili drugih opravdanih razloga, ukoliko spriječenost nije trajala duže od šest mjeseci.
- (2) U slučaju spriječenosti iz stava (1) ovog člana, trajanje profesionalne rehabilitacije može se produžiti najviše za onoliko vremena koliko je trajala spriječenost.
- (3) Ratni vojni invalid koji usljed bolesti ili drugih opravdanih razloga nije završio profesionalnu rehabilitaciju na koju je upućen može biti ponovo upućen na istu profesionalnu rehabilitaciju.

Član 15.

(Obaveza pismenog izvještavanja o stupanju na profesionalnu rehabilitaciju)

Ministarstvo će u roku od osam dana od dana stupanja na profesionalnu rehabilitaciju ratnog vojnog invalida, pismeno izvijestiti općinske službe za boračko-invalidsku zaštitu koje su uputile prijedloge za profesionalnu rehabilitaciju.

Član 16.

(Vođenje evidencije)

Radi vođenja mjesečne, odnosno godišnje evidencije o predmetima profesionalne rehabilitacije nadležni sektor Ministarstva će formirati posebnu evidenciju, a po potrebi podnositi izvještaj ministru za boračka pitanja, Vladi i Skupštini Kantona Sarajevo.

DIO ČETVRTI – PRELAZNE I ZAVRŠNE ODREDBE

Član 17.

(Prestanak primjene ranijeg propisa)

Ovim pravilnikom stavlja se van snage Pravilnik o načinu ostvarivanja prava po osnovu preostale radne sposobnosti ("Službene novine Kantona Sarajevo", broj 11/03).

Član 18.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 06-02-6993/23

16. marta 2023. godine
Sarajevo

Ministar

Dr. sc. **Omer Osmanović**, s. r.**Ministarstvo za nauku, visoko obrazovanje i mlade
Kantona Sarajevo**

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 18. stav (6) Zakona o visokom obrazovanju ("Službene novine Kantona Sarajevo", broj 36/22), ministar za nauku, visoko obrazovanje i mlade Kantona Sarajevo, donosi

PRAVILNIK**O UTVRĐIVANJU POSTUPKA IMENOVANJA I
RAZRJEŠENJA ČLANOVA SAVJETA MINISTARSTVA
ZA VISOKO OBRAZOVANJE KANTONA SARAJEVO**

Član 1.

(Predmet)

Ovim pravilnikom utvrđuju se kriteriji za delegiranje/imenovanje na poziciju predsjedavajućeg i članova Savjeta ministarstva za visoko obrazovanje Kantona Sarajevo (u daljnjem tekstu: Savjet), postupak imenovanja članova Savjeta, početak i način rada, prava i obaveze, postupak razrješenja i druga pitanja bitna za zakonit rad i efikasno funkcioniranje Savjeta.

Član 2.

(Nadležnost)

- (1) Savjet obavlja poslove i zadatke utvrđene Zakonom o visokom obrazovanju ("Službene novine Kantona Sarajevo", broj 36/22).
- (2) Članovi Savjeta imaju pravo i obavezu izvršavati poslove i zadatke iz nadležnosti Savjeta koji su utvrđeni Zakonom o visokom obrazovanju.
- (3) Savjet, na zahtjev Ministarstva za nauku, visoko obrazovanje i mlade Kantona Sarajevo (u daljem tekstu: Ministarstvo), vrši analize, daje preporuke i mišljenja vezana za oblast visokog obrazovanja Kantona Sarajevo, daje obavezujuće mišljenje na Smjernice za izbor u akademska zvanja predložene od strane senata visokoškolskih ustanova te obavlja i druge poslove u skladu sa zakonom.

Član 3.

(Izbor i imenovanje)

- (1) Članove Savjeta imenuje ministar za nauku, visoko obrazovanje i mlade Kantona Sarajevo (u daljem tekstu:

ministar) na prijedlog ustanova, odnosno institucija i udruženja koje delegiraju svoje članove i to:

- a) Univerzitet u Sarajevu, šest predstavnika iz naučnih i umjetničkih grupacija;
 - b) ostali univerziteti sa sjedištem u Sarajevu, tri predstavnika;
 - c) studentski parlament javne visokoškolske ustanove, predstavnici prvog, drugog i trećeg ciklusa, te integrisanog ciklusa studija;
 - d) Akademija nauka i umjetnosti Bosne i Hercegovine, jedan predstavnik;
 - e) Ministarstvo za nauku, visoko obrazovanje i mlade Kantona Sarajevo, dva predstavnika;
 - f) Udruženja poslodavaca Kantona Sarajevo, dva predstavnika.
- (2) Način i uslovi delegiranja članova Savjeta, osim ovim pravilnikom, uređuju se i statutom visokoškolske ustanove, odnosno drugim relevantnim aktom ustanova, odnosno institucija i udruženja iz stava (1) ovog člana.
 - (3) Članovi Savjeta koje delegira senat visokoškolske ustanove, moraju biti u radnom odnosu na visokoškolskoj ustanovi koja ih delegira, a način njihovog delegiranja i uslovi za delegiranja, preciznije će se urediti statutom visokoškolske ustanove.
 - (4) Način i uslovi delegiranja članova studentskog parlamenta javne visokoškolske ustanove. Akademije nauka i umjetnosti Bosne i Hercegovine i Udruženja poslodavaca Kantona Sarajevo preciznije će se urediti njihovim relevantnim aktom.
 - (5) Svi članovi Savjeta obavezni su ispunjavati opšte uslove propisane zakonom i ovim pravilnikom.
 - (6) Ustanove, odnosno institucije i udruženja iz stava (1) ovog člana, dužni su po pozivu Ministarstva dostaviti prijedloge članova Savjeta koji su njihovi izabrani predstavnici.

Član 4.

(Trajanje mandata)

Član Savjeta se imenuje na mandatni period od dvije godine.

Član 5.

(Uslovi za izbor i imenovanje)

- (1) Za člana Savjeta može se izabrati, odnosno imenovati kandidat koji ispunjava slijedeće opšte uslove:
 - a) da je državljanin Bosne i Hercegovine;
 - b) da je stariji od 18 godina;
 - c) da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine od dana objavljivanja upražnjene pozicije;
 - d) da se na tog kandidata ne odnosi član IX. 1. Ustava Bosne i Hercegovine;
 - e) da nije osuđivan za krivično djelo ili za privredni prestup,
 - f) da nije izabrani zvaničnik u zakonodavnoj vlasti, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08), član rukovodnih organa političkih stranaka, član upravnog odbora ili rukovodilac visokoškolske ustanove.
- (2) Pored navedenih opštih uslova, kandidat koji se imenuje za predsjedavajućeg Savjeta, treba da posjeduje naučni stepen doktora nauka.
- (3) Poslovnikom o radu Savjeta preciznije će se urediti procedura izbora predsjedavajućeg Savjeta i njegovog zamjenika.